



"I te cherdì con to ennom" dij le Signur.

La ploania d'La Pli tol sò con ligreza te sòa comunité **Rafael Ellecosta** (Taibun) y ti fej les miús aodanzas ai geniturs Simon y Ester: Idio, la Oma dal Ci y le Sant Patron acompagneii Osc môt con sòa benedisciun y proteziun.

- **Aziun dai barantli (31.10.): la ploania dij bel iolan** a chi co a fistidie y a chi co é jüs ai taié i barantli. Al é gnü ete na bela spenora por l'orgo de dlìja: 1.032,00 €.
- **Iolan y Dio s'al páii dles ofertes en recort de † Ludwig Erlacher:** Enteressenza de Fojedöra, fam. Maneschg/La Costa, Lois y Dorotea Peslalz, la fiocia Antonia, le grup SVP La Pli y Stachio Erlacher **por la dlìja**; jormagn Ellecosta/Colac **por la "Krebshilfe"**. Emplü é ciamo gnü paié **santes messes**.
- **Aziun d'Advent/1: l'Uniun dles Eres** dij bel iolan a chi co á cumpré en dmegna na gherlanda d'advent y ensciò daidé empara pa sòa aziun por fin de ben.
- **Aziun d'Advent/2:** la **Schira Jonila** met da jí en **domegna ai 15 de dezember**, do la gran messa sòn plaza, en picio **marcé da Nadé**. Al ven vonü patüc por Nadé y partí fora, por na spenora de bona man, biscoti fac da nosc grup. Ci co va ete menunse ai 4 picì mituns de Marianne Mair Leitner da Pflersch, morta de setember pa en me de fù te sòa ciasa. I periun da nes daidé pa còsta picia aziun de solidarieté!
- **Festa d'Advent:** le **KVW** envieia der bel en **domegna ai 15 de dezember**, do la gran messa, a na picia festa d'Advent te Ciasa dles Uniuns.

1 enformaziuns y termins

Encuntada con la Sacra Scritöra: en dedolönesc ai 17 de dezember ales 20:00 é te saf de calogna d'Al Plan na sera de reflesciun sòn la Bibia con signor Sepi Granruaz. Düc é enviés y benodüs a còsta ocasiun de preparaziun ala festa dal Nadé.

Conzert da Nadé: la Scora de Musiga ten le "Conzert da Nadé" en vendres ai 20 de dezember ales 18:00 te dlìja da San Martin. Al cianta y sona les scolares y i scolars dla Scora de Musiga dla Val Badia. Düc é der bel enviés.

Pelegrinaje a Lourdes: le KVW dla Val Badia lascia alessei che les prenotaziuns por tó pert al pelegrinaje de 4 dis a Lourdes dai 24 ai 27 de aorí é davertes. Enformaziuns plü avisa y le program podeis ciáfè da Iaco Clement, Badia, ☎ 339 6257779, e-mail iaco_clement@libero.it o sòn <https://www.valbadiaonline.it/> (plata iniciala).

Döt le bun a: Papa Francesco * 17.12.1936



a düc i per co festejeia eniann en iubileo da noza
y a düc chi co á santennom y complesc i agn cöst'edema

Impressum: Ploania d'La Pli; redaziun Franz Rigo y Edith Willeit
Comunicaziuns cina le **dedemesaledema** sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania
La Pli de Mareo
Santa Maria dal Bun Consei

Ploan: Signor Klaus Sottsas
E-mail: ploania@gmx.net

Calogna Al Plan: 0474 501006
Radio de Ploania: 93,00 MhZ



VAL BADIA
www.unitepastorala.org

Conesce i segns de n mönn nö

📖 **Is 35, 1–6a.10 | Iaco 5, 7–10 | Mt 11, 2–11**

Dal Vangelo do San Mateo:

Te chel tomp²à Jan aldí te porjun dles opres de Crist. Sòn chera ál orcé sù discepeui da d'el³ y ti á dit de le damané: Este tö chel co dess gní, o messunse aspeté en n'ater? ⁴Gejú ti á respognü: Jide y cuntedi a Jan ci ch'í aldiis y odeis: ⁵I verc veiga endô, i paralísés va, i levrusc ven nec, i surc alda; i morc ressoresc, y ai püri ti vegnel encündé le vagnelo. ⁶Beat chel co ne se scandaliseia nia de me. ⁷Do ch'ai s'an ea jüs, á Gejú motü man da baié ala meja porsora Jan; al dijea: Ci orêse pa odei, canch'i êse jüs fora tal desert? N fostü mené dal ont? ⁸O ci orêse pa odei, canch'i êse jüs fora? N el te n iestimont fin? Chi co porta guanc fins ciáfön tai palasc dai resc. ⁹O por ci êse pa jüs fora? Por odei n profet? Poa, i ves diji: I eis ince odü val' deplü co n profet. ¹⁰El é chel, de chel ch'al ven dit tla Scritöra: I te meni mio anunziadú danfora; al dess arjigné le tru por te. ¹¹Amen, cösc ves diji: Danter la jont nen n'él sté degün plü gran co Jan Batista; mo le plü picio tal regn dal ci é plü gran co el.

Oraziun dal de

Periun! Dio onipotent, ciara con bunté sòn to popul co aspeta con dejier credont la festa dal nadé de Gejú Crist: arjigna nusc cörs da tó sò la scincunda dla salveza, por che la festa de Nadé vegni por nos düc n de de ligreza y de speranza. Por nosc Signur Gejú Crist, to Fi, co é Dio y vir y regneia con te tl'unité dal Spirit Sant por düc i secui dai secui. – Amen

(Lezionar A)



📖 **Letöres dla Cuarta domegna d'Advent:**
Is 7, 10–14 | Rom 1, 1–7 | Mt 1, 18–24

Edema liturgica dai 15.12. ai 22.12.2019

DOM 15.	Terza domegna d'Advent "Gaudete" FESTA DAI IUBILEI DA NOZA → oferta d'Advent por la diojeza	<i>Cristiana, Maria Cruzifixa</i>
08:30	gran messa por la ploania y de rengraziamont por i iubilars da noza y sões families ♫ <i>grup de familiars</i>	
14:00 10 y 18	funziun dal Bato de Rafael Ellecosta s.m. a Al Plan	
Lön 16.	Adelheid, Dietrich, Albina de d'oraziun te familia	
Ded 17.	<i>Lazaro da Betania, Iolanda, Viviana</i>	
→ 07:45	Rorate por i scolari ♫ <i>scolari</i> s.m. de rengraziamont y suplica a Santa Maria dal Bun Consei s.m. en onú y rengraziamont ai Angeli Custodi	
→ 14:30	pissia por i scolari dla scora mesana	
Dem 18.	<i>Filip, Grazian</i> de d'oraziun te familia	
Jöb 19.	<i>Konrad, Susanna, Benjamin</i>	
→ 18:30	poscibilité da se pissié	
→ 19:30	Rorate por la Fraziun da Pliscia y por la fam. Pasquale y Brigitte Kastlunger ♫ <i>fabló y chitara</i> Rorate por defunc Vollmann, Slugher y Ploner, Framacia s.m. de rengraziamont por grazies ciafades s.m. por la sanité	
Ven 20.	<i>Heinrich, Regina, Eugen</i> → 19:30 oraziun da Taizé	
Sab 21.	<i>Pire, Richard</i> → 19:30 Rorate por i Stödafüs ♫ <i>cuartet "A cater usc"</i> s.m. por † Carlo Ploner, Corterei s.m. por † Eduard Maneschg, Col Marchet s.m. por † Jep Konrater y †† Leopold y Anna Erhard	
DOM 22.	Cuarta domegna d'Advent 08:30 gran messa por dōta la ploania s.m. en onú de Santa Maria dal Bun Consei 10 y 18 s.m. a Al Plan	<i>luta, Marian</i> oferta la ploania
ampola:	por les Püres Armes	
ministronc:	→ dedolōnesc y domegna: Emma y Samuel → jōbia, sabeda y domegna: Pire y Alexander	
i recordun:	Notburga Complojer ved. Pitscheider, Bornech + 20.12.2011	



Salf da aspeté miracolus (Mt 11, 2–11)

I ponsi do

Al dejidder d'aspeté le Messia, ne respogn Gejú nia con parores y discursc: al mostra la verité de sōa misciun con operes d'amur, ciarité y salveza por düc. Le discepul de Gejú aspeta l'incuntada con el fajenn ci che al á ensigné. La miù testimonianza de nosta fede é vire concretamonter y con fedelté la ciarité, te so ennom.

I preii ensciö

Al é de gran segni chi che tō fejes, Signur Gejú . Nia ma mirachi mo de gran messaji de verité. Con chisc mostreste chē che t'es y ciodi che t'es gnü al monn. Te fejes odei i verc y te te mostres lōm de verité por vigne porsona. Te fejes jí i storpiés y te portes sōn le der tru chi co á pordü la strada dal ben. Te varesces i levrusc y ensciö resaneieste la lebra dal egoism. Te fejes aldí i surc y daüres la mont de düc a aldí la Parora de Dio. Te rosseresces i morc y s'ensegnes da speré te te, vita zonza fin. Co pón pa nia creie en Te, Fi de Dio y Salvatur dal monn? Co pón po ma dubité de tōa misciun de Messia y co ne pón pa nia te gní do sōn les strades che tō es jü y s'as mostré? A chi co damana cunt de mia fede, fá ch'i sunse bun da mostré, desco tō, operes d'amur y segni de pësc.



Meditaziun d'Advent (Papa Francesco, dal Angelus 11.12.2016)

La terza domegna d'Advent é caraterisada dal envit de San Paul: *Ralegrésse dagnora tal Signur! Ciamó n iade ves diji: Ralegrésse! Deache le Signur é dampró.* Al n'é nia na alegria superfiziala o ma emotiva a chera che l'apostul envieia, y gnanca chera consumistica de cōsc monn. Na, ara nen va de na ligreza plü autentica, de chera ch'i sun cherdés a sontí da nō la saú. Al é na ligreza co toca le plü sot de nosc ester.

I se ralegrun deache tla liturgia da encō nes vegnel encündé la salveza. *"Ede coraje, no se temede! ... Ciarede atló osc Dio!, al gnará y ves salvará"* dij le profet tla prōma letōra, *"I verc veiga endō, i paralisés va, i levrusc ven nec, i surc alda; i morc rosseresc"* dij Gejú tal Vangelo. Al n'é nia parores, al é fac co demostra desche la salveza, portata da Gejú, tól ete la porsona umana deplen y la regenerieia. Chelbeldio é gnü ete tla storia por se delibré dala stlavitü dal picé, a varí nostes

plaies y nes dé na vita nea. La ligreza é le früt de cüsc entervont de salveza y d'amur de Chelbeldio.

I sun enviés a se lascé trá ete dal sontimont de esultanza. *Cōsta* esultanza, *cōsta* ligreza. En cristian co n'é nia plen de ligreza, a chel ti mancel val, o al n'é nia cristian.

La ligreza daete, chera dal cōr, se porta ennant y nes dá coraji. Le Signur ven, al ven te nosta vita desco liberadú, al ven a se delibré da dōtes les stlavitús, te nos y encer nos ia. Al é el co nes mostra la strada dla fedelté, dla pazionza y dla perseveranza por che nosta ligreza sii plena, canche al ven endō. Nadé é dampró. I segns da odei sōn nostes strades y te nostes ciases nes envieia a tó sō le Signur co ven y tlóchera a nosta porta, tlóchera a nosc cōr, por gní a sté pa nos nos. Al s'envieia a odei sū vari te chi de nusc fredesc ch'i encuntun, dandadöt chi dai plü debli y dla meseria.